



今当更破亦有边亦无边。

440

若世半有边， 世间半无边，
是则亦有边， 亦无边不然。¹

若世间半有边、半无边，则应是亦有边亦无边。若尔者，则一法二相，是事不然。何以故？²

441 442

彼受五阴者³， 云何一分破，
一分而不破？ 是事则不然。⁴

¹ 一、《般若灯论释·观邪见品》云：

一分是有边， 一分是无边，
离彼有无边， 更无俱等边。

二、《大乘中观释论·观诸见品》云：

若一分有边， 若一分无边，
边无边共有， 世闲非道理。

² 《中论释·明句论·观邪见品》云：

[今当更破亦有边亦无边，故次颂曰：

若世半有边， 世间半无边，
是则亦有边， 亦无边不然。

若世间半有灭，半不灭至余趣者，是则世间应亦有边亦无边。然无世间半有灭，半不灭者，是故世间半有边半无边不然。]

³ 彼受五阴者：此处的“彼受五阴者”，义谓受者即我的异名。

《大般若波罗蜜多经·初分学观品》云：

[舍利子！如我但有名，谓之为我，实不可得；如是有情、命者、生者、养者、士夫、补特伽罗、意生、婴童、作者、使作者、起者、使起者、受者、使受者、知者、见者亦但有名，谓为有情乃至见者，以不可得空故，但随世俗假立客名，诸法亦尔不应执著。是故菩萨摩訶萨修行般若波罗蜜多时，不见有我乃至见者，亦不见有一切法性。]

⁴ 《大乘中观释论·观诸见品》云：





中论释



受亦复如是，云何一分破，

一分而不破？是事亦不然。⁵

受五阴者，云何一分破、一分不破？一事不得亦常亦无常。

6

受亦如是，云何一分破、一分不破？常无常二相过故。是故
世间亦有边亦无边则不然。⁷

云何一取者，一分是有坏？

云何一所取，一分是不坏？

⁵ 《般若灯论释·观邪见品》云：

云何一取者，一分是有坏，

一分是无坏？如是者不然。

⁶ 《中论释·明句论·观邪见品》云：

[又云何世间半灭半不灭者不然？为明此义，故次颂曰：

彼受五阴者，云何一分破，

一分而不破？是事则不然。

此中若计有事一分破、一分不破者，今应征问：为受者一分破、一分不破？为所受一分破、一分不破？此中若计受者一分破、一分不破者则不然。所以者何？如偈中曰：

“彼受五阴者，云何一分破，

一分而不破？”

此谓计执有事一分破、一分不破者终不契至理。以其不见少有正理可寻故。论主偈中说：

“是事则不然。”

又，受者名我。是我于诸阴中，五种求不可得。若法不可得，云何一分破，一分而不破耶？以是故言：

“是事则不然。”

复有别释：若彼受者一分破，一分而不破者，尔时，应成一受者一分为天，一分为人，汝既不许有此受者，是故偈曰：

“是事则不然。”

是故所言：彼受者亦有边亦无边者则不然。]

⁷ 《中论释·明句论·观邪见品》云：

[今当更说所受亦不可一分破，一分而不破。故次颂曰：

受亦复如是，云何一分破，

一分而不破？是事亦不然。





今当破非有边非无边见。

443

若亦有无边， 是二得成者，

非有非无边， 是则亦应成。⁸

与有边相违故有无边，如长相违有短。与有无相违，则有亦有亦无；与亦有亦无相违故，则有非有非无。若亦有边亦无边定成者，应有非有边非无边。何以故？因相待故。上已破亦有边亦无边第三句⁹，今云何当有非有边非无边？以无相待故。如是推求，依止未来世有边等四见皆不可得。¹⁰

此义如说受者。如是则说俱许——亦有边亦无边亦不然已。]

⁸ 一、《般若灯论释·观邪见品》云：

有边及无边， 是二得成者，
非有非无边， 其义亦得成。

二、《大乘中观释论·观诸见品》云：

若有边无边， 是二可成者，
非有非无边， 随所欲应成。

⁹ 《中论·观邪见品》云：

若世半有边， 世间半无边，
是则亦有边， 亦无边不然。
彼受五阴者， 云何一分破，
一分而不破？ 是事则不然。
受亦复如是， 云何一分破，
一分而不破？ 是事亦不然。

¹⁰ 《中论释·明句论·观邪见品》云：[今当破非有边非无边见。故次颂曰：

若亦有无边， 是二得成者，
非有非无边， 是则亦应成。

以无所破故破亦不成。既无亦有边亦无边是二得成者，今破谁当有世间非有边非无边耶？是故已了且许有如影像般世俗行相的受、受者，是中亦无常等诸见。]

